

玉屏墨陽誨院課藝

及是時明其政刑論

師課
王步瀛

昔莊辛有言曰見兔而顧犬未為晚也。亡羊而補牢未為遲也。今天下事變日繁矣。時艱亦孔棘矣。然天下不患有難為之事。而患無可為之時。尤莫患有可為之時。而無必為之志。使非奮然有志。時時以勵精圖治為期。則雖當猶可補救之時。而從事失時。其勢常苦於無及。謂予不信。盍觀孟子之言。及是時明其政刑乎。顧或

有疑之者。謂為國不專尚政刑。振古如茲。非自今始也。周禮六官掌六典。所謂政典刑典者。不居治典教典禮典之先。其後於政刑者。不過冬官事典耳。况道之以政。齊之以刑。不若道之以德。齊之以禮。蓋民免而無恥。遠遜於有恥且格。孔子又嘗明辨而顯言之。以孟子私淑有年。豈其忘厥師承。且昧本朝之制度。而於謀人國家國事。偏以政刑二者為要圖乎。噫嘻。吾知之矣。古來無不務本。

之聖賢亦無不達變之聖賢其不專尚乎政刑者務本之言也所以維萬世也其必亟明乎政刑者達變之言也所以救一時也且亦思當是之時果何時哉並帝者東西爭雄者六七謀富國必增稅歛而苛政以興矣務強兵必峻科條而濫刑以逞矣舉世方受政刑之苦而謀國者必侈設德禮而諱言政刑不亟為之修明以拯斯民於陷溺是猶庸醫之療疾急不治其標而遽以補劑授之

安望其瘡癰厥疾哉。雖然明其政刑誠要矣。而所以明之者其道安在。曰行政之患莫患乎其不平。不平則雖有意利民而民不蒙其利也。用刑之患莫患乎其太濫。太濫則雖有心移俗而俗不為之移也。惟去其不平者而使之均平。則自小紀以至大綱無不整齊。畫一是即所以明其政也。除其太濫者而使之不濫。則自小過以及大罪無不閱實簡孚。是即所以明其刑也。初何必以新法亂

政輕典弛刑而後可謂之明哉。嗚呼！今之時亦政刑淆亂之時也。內政不脩，無怪外交之動輒得咎也。嚴刑不改，無怪異族之嘖有煩言也。今雖急宜雪恥之時，而非真為閒暇之時乎？然使志在必為，及是時而上下同心，舉吾政之積弊已深者而變通盡利，舉吾刑之殘民太甚者而斟酌得中，將見政簡刑清，有以救時艱而消事變。斯天下之中興可冀，而遠人之窺伺無從矣。其於莅中國而

撫四夷也何難之有

孤

通

佐

與

一

琴

其

同

其

軒

輕

政

法

祀

及是時明其政刑論

趙二洪鴻儒

嗚呼。時至戰國。其頽廢尚忍言哉。政猛於虎也。刑困於殘也。民日

以疲。國日以削。問其積弊之何在。而彼茫乎不知也。夫不積知積弊。

安知救弊。君子曰。其無本也。其失時實甚。本何在。在政刑。時何在。

在閒暇。我孟子蓋嘗論之矣。曰。及是時明其政刑。斯言也。雖以策

下萬世可也。豈止為戰國發哉。即僅以戰國論。秦帝於西矣。齊帝

於東矣。楚晉雄於南北矣。揣其惟日不足之意。亦幾焦思遠慮。深
恐坐失機宜。然而論強論富。發言盈廷。圖霸圖王。避疑走險。卒至
三綱淪九。法斁不免。譏之為疵國者。所務非所亟。所亟非所務也。
秉國鈞者。欲求其弊而不得。則為之歸獄於文教。蔽罪於先王。議
當時立法之未善。以文其過。而護其奸。夫先王之法。果未善也。弊
豈待及是時而見哉。獨不思關雎麟趾。為文考大燕翼之謨。周禮

六官為周公致太平之冊。今而乾綱倒置。共主無權。而二周幸存。九鼎無恙。卜年卜世。猶得過三十七百之期。而未艾者。徒以政刑之遺。未盡放失。故則夫世之及時思奮者。觀於此。亦可知積弊之當轉。在此不在彼矣。雖然。物必先腐也。而後蟲蠹入之。本必先撥也。而後枝葉隨之。即國亦必先失其馭。而後瘡民瘼國。往往而劇。上下相蒙。君臣解體。欲救弊而弊愈不勝救。徒滋擾耳。吾謂欲國

勢。必在固人心。欲固人心。必復古治。而不識時務。都方執一偏之見。謂刑亂國。用重典。究之重典用而民命輕。民命輕而國脈蹙。民已無鳩矣。國庸有乎。於是為今日計。未弼明刑。先脩德政。政之不修。而欲置民於死。所謂不教而殺。民不服也。且亦思聖王之世。以政為出治之具。故甄陶庶類。則有政。以刑為輔治之法。故蕭勺羣慝。則有刑。二者並行。而後亭毒八荒。皋牢六合。不旋踵而黎民

於變焉。在其周書有之曰。有弗若于汝政。弗化于汝訓。辟以止辟。
乃辟。又曰。乃大明服。言乎政之不可不講。而刑之當慎也。及是時。
天下亦多故矣。願救時者與之戰勝於朝廷。

光
昌
軒
融
風
且
月
道
石
子

及是時明其政刑論

師課
超三
余煥章

所貴乎朝廷清明。而天下治平者何也。凡事之所當為。實因乎時
之所得為。為可為於可為之時。則治。為不可為之時。則亂。
故有議學校於戰爭之日。則悖矣。有廢官禮於守成之朝。則謬矣。
有造法律於橫暴酷烈之餘。則狂矣。有弛禁令於姑息柔懦之世。
則惑矣。乃幸而內外綏靖。風俗厚而仁讓興。聖君賢相。猶歉然意

有難安其政不域於小成合羣力以修廢墜之經而整理不忘惕
厲其刑必去諸太甚集衆材以講道齊之治而宵旰不憚勤勞時
乎時乎不再來君人者其早圖之及者何汲汲敏求稍縱而有即
逝之懼也明者何事事必察居安而有思危之誠也時者何在在
無荒難得而有易失之慮也是國家之所資以為理者此尤宜所
乘時而亟講也且夫政者出治之體也刑者輔治之用也化之所

施則王者立其政為出治之體而國家以治以安法之所立則王者慎其刑為輔治之用而國家以懲以勸故政刑善而民受其福政刑不善而民受其殃向也有內大臣之變而紀綱之墜壞不及舉有外諸侯之叛而訟獄之滋繁不及清有匹夫羣起之禍而庶務未脩有崔苻未靖者必多其君雖有堯舜之聖其相雖伊呂之才方將歎內患外侮之交乘而政刑有不遑措者矣藉令今日為閒

暇無事之時。寰海方頌昇平。在朝濟濟而慶明良。在野熙熙而敦
禮樂讓。誠能及今因時制宜。而政典刑書。方與在位在職之賢能
共相勵精圖治。無論政除其苛。刑去其濫。即時而數祖宗之典。累
朝善政。有必脩。亦時而議士師之條。叔季繁刑。有必省。而其他之
寬以濟猛。猛以濟寬者。尤皆力行果斷。而不牽衆人之是非。率由
舊之政。用不測之刑。而使天下之人視之。如日月星辰。燦然常新。